

# ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ՊԱՅՄԱՆԱԳԻՐ N 25-0059Պ

ք.Երևան

«27» մարտի 2025թ.

**ՀՀ ԳԱԱ «Փորձաքննությունների ազգային բյուրո» պետական ոչ առևտրային կազմակերպությունն**, ի դեմս՝ տնօրենի Ժ/պ-ի պարտականությունները ժամանակավոր կատարող Խ.Աբաջյանի, որը գործում է կազմակերպության կանոնադրության հիման վրա (այսուհետ՝ Կատարող), մի կողմից, և **ՀՀ ներքին գործերի նախարարությունը**, ի դեմս՝ գլխավոր քարտուղար Ա.Ֆիդանյանի (այսուհետ՝ Պատվիրատու), մյուս կողմից (այսուհետ՝ երկուսը միասին՝ Կողմեր), կնքեցին սույն պայմանագիրը (այսուհետ՝ Պայմանագիր) հետևյալի մասին.

## 1. ՊԱՅՄԱՆԱԳՐԻ ԱՌԱՐԿԱՆ

1.1. Պայմանագրով Կատարողը պարտավորվում է կատարել Պայմանագրի թիվ 1 հավելվածով նախատեսված ծառայության բնութագրին համապատասխանող փորձաքննություն և տրամադրել փորձագետի եզրակացություն /հաշվետվություն/ (այսուհետ նաև՝ Ծառայություն), իսկ Պատվիրատուն պարտավորվում է ընդունել Ծառայության արդյունքը և վճարել դրա համար Պայմանագրով սահմանված կարգով և չափով:

1.2. Փորձաքննությունն (հետազոտությունը, փորձարկումը, գնահատումը) իրականացվում է հետևյալ տեխնիկական առաջադրանքը կատարելու (առաջադրված հարցերը պարզաբանելու) համար.

*Հարց. Խնդրում եմ իրականացնել տրամադրվող թվով 3 հատ տրանսպորտային միջոցի հաշվառման վկայագրի և թվով 3 հատ ազգային վարորդական վկայականի քարտերի նմուշների փորձաքննություն՝ նշելով քարտի պատրաստման նյութը, մասնավորապես՝ այն պոլիկարբոնատից է, թե այլ նյութից:*

## 2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱՎՈՐՈՒԹՅՈՒՆՆԵՐԸ

### 2.1. Պատվիրատուն իրավունք ունի՝

2.1.1. Կատարողից պահանջել Պայմանագրի պայմաններին համապատասխան ապահովել փորձաքննության կատարումը, եզրակացության կազմումը և իրեն տրամադրումը,

2.1.2. հարցում անել Կատարողին Ծառայության մատուցման ընթացքի վերաբերյալ՝ առանց խոչընդոտելու վերջինիս աշխատանքին,

2.1.3. Ծառայության մատուցման ընթացքում ի հայտ եկած նոր հանգամանքների հետևանքով, Կատարողի հետ համաձայնեցված ժամկետով, պահանջել երկարաձգելու Պայմանագրի գործողության ժամկետը,

2.1.4. հրաժարվել Պայմանագրի կատարումից և պահանջել վաղաժամկետ լուծել այն՝ միաժամանակ Կատարողին վճարելով պայմանագրի 5.1. կետով սահմանված գնի 50 (հիսուն) տոկոսը, եթե փորձագետն արդեն ձեռնամուխ է եղել Ծառայության մատուցմանը և կատարել է հետազոտելի օբյեկտի հետազոտություն, իսկ հետազոտությունը կատարված չլինելու դեպքում՝ վճարել Կատարողի կողմից փաստացի կատարված ծախսերը,

2.1.5. Կատարողից պահանջել պատշաճ կերպով կատարելու Պայմանագրով ստանձնած պարտավորությունները:

### 2.2. Պատվիրատուն պարտավոր է՝

2.2.1. տրամադրել փորձաքննության համար անհրաժեշտ հետազոտելի օբյեկտը՝ ըստ անհրաժեշտության ձեռնարկելով Կատարողի անվտանգությունն ապահովող համապատասխան

2.2.2. չմիջամտել Ծառայության մատուցմանը,

2.2.3. Կատարողի գրավոր միջնորդության հիման վրա, հնարավոր սեղմ ժամկետում, սակայն ոչ ուշ, քան միջնորդությունը ստանալու օրվանից սկսած 10 (տասը) օրվա ընթացքում, վերջինիս տրամադրել փորձաքննության (հետազոտության, փորձարկման, գնահատման) կատարման համար անհրաժեշտ փաստաթղթեր, նյութեր և այլ ելակետային տվյալներ պարունակող օբյեկտներ,

2.2.4. ըստ անհրաժեշտության, Կատարողի պահանջով կամ իր նախաձեռնությամբ, մասնակցել Ծառայության մատուցմանը,

2.2.5. ընդունել կազմված եզրակացությունը՝ Պայմանագրով նախատեսված կարգով,

2.2.6. Պայմանագրի 5.1 և 5.2 կետերին համապատասխան Կատարողին վճարել Պայմանագրի գինը,

2.2.7. պատշաճ կերպով կատարելու Պայմանագրով ստանձնած իր պարտավորությունները:

### **2.3. Կատարողն իրավունք ունի՝**

2.3.1. Պատվիրատուից պահանջել կատարելու իր կողմից ներկայացված միջնորդության մեջ նշված պահանջը,

2.3.2. Պայմանագրի կատարման ընթացքում ի հայտ եկած նոր հանգամանքների հետևանքով, Պատվիրատուի հետ համաձայնեցված ժամկետով, պահանջել երկարաձգելու Պայմանագրի գործողության ժամկետը,

2.3.3. Պատվիրատուի կողմից Պայմանագրի 2.2.1. և (կամ) 2.2.3. ենթակետերով նախատեսված պարտավորությունների չկատարման (մասնակի կատարման) դեպքում գրավոր տեղեկացմամբ կասեցնել իր պարտավորության (դրա համապատասխան մասի) կատարումը կամ հրաժարվել Պայմանագրի կատարումից՝ վաղաժամկետ լուծելով այն և պահանջելով վճարել Պայմանագրի գնի 50 (հիսուն) տոկոսը, եթե փորձագետն արդեն ձեռնամուխ է եղել Ծառայության մատուցմանը և կատարել է հետազոտելի օբյեկտի հետազոտություն, իսկ հետազոտությունը կատարված չլինելու դեպքում՝ վճարել Կատարողի կողմից փաստացի կատարված ծախսերը: Կասեցման ժամկետն ավարտվում է կասեցման համար հիմք հանդիսացող պարտավորությունը (պարտավորությունները) Պատվիրատուի կողմից ամբողջությամբ կատարելու օրը:

2.3.4. Պատվիրատուից պահանջել Պայմանագրի պայմաններին համապատասխան վճարելու Պայմանագրի գինը,

2.3.5. հրաժարվել Պայմանագրի կատարումից և պահանջել վաղաժամկետ լուծել այն՝ Պատվիրատուի վնասները լրիվ հատուցելու պայմանով,

2.3.6. անհրաժեշտության դեպքում մասնակի վնասել, խախտել հետազոտելի օբյեկտը/-ները/,

2.3.7. Պատվիրատուից պահանջել պատշաճ կերպով կատարելու Պայմանագրով ստանձնած իր պարտավորությունները:

### **2.4. Կատարողը պարտավոր է՝**

2.4.1. Պատվիրատուի կողմից ներկայացված նյութերի հիման վրա, Պայմանագրով սահմանված ժամկետում մատուցել Ծառայությունը՝ տվյալ ոլորտը կարգավորող օրենքների, այլ նորմատիվ ակտերի, ինչպես նաև ՀՀ օրենսդրությամբ սահմանված պահանջների ու մեթոդների համաձայն,

2.4.2. Ծառայության մատուցմանն ուղղված աշխատանքներն իրականացնել Պատվիրատուի նշած օբյեկտների գտնվելու վայրում, եթե դրանք Կատարողի մոտ տեղափոխելը դժվարին է կամ անհնարին,

2.4.3. Պատվիրատուի հարցման հիման վրա տեղեկացնել նրան Ծառայության մատուցման ընթացքի մասին,

2.4.4. միայն Պատվիրատուի գրավոր համաձայնությամբ փորձաքննության (հետազոտության, փորձարկման, գնահատման) կատարմանը ներգրավել երրորդ անձի,

2.4.5. անհապաղ տեղեկացնել Պատվիրատուին՝ Պայմանագրով սահմանված ժամկետում Ծառայության կատարումն ավարտին հասցնելուն խոչընդոտող՝ Կատարողից անկախ առաջացած հանգամանքների և դրանց հնարավոր տևողության մասին,

2.4.6. Պատվիրատուի կողմից գրավոր պահանջ ներկայացվելու օրվանից սկսած 2 (երկու) աշխատանքային օրվա ընթացքում անհատույց վերացնել հայտնաբերված տեխնիկական թերությունները,

2.4.7. Պայմանագրի կապակցությամբ ձեռք բերված տեղեկությունները տրամադրել հետաքննության, նախաքննության մարմիններին, դատարանին կամ այլ մարմիններին՝ միայն ՀՀ օրենսդրությամբ սահմանված կարգով ներկայացված գրավոր հարցման կամ պահանջի հիման վրա՝ խստիվ պահպանելով սույն պայմանագրի կնքման և կատարման առնչությամբ իրեն հայտնի դարձած՝ ՀՀ օրենսդրությամբ և այլ իրավական ակտերով պաշտպանվող տեղեկությունների գաղտնիությունը՝ ձեռնպահ մնալով դրանց տարածումից, հրապարակումից, երրորդ անձանց որևէ կերպ տրամադրումից, բացառությամբ օրենքով նախատեսված դեպքերի,

2.4.8. պատշաճ կերպով կատարել Պայմանագրով ստանձնած իր պարտականությունները:

### **3. ՓՈՐՁԱՔՆՆՈՒԹՅԱՆ (ՎԵՏԱԶՈՏՈՒԹՅԱՆ, ՓՈՐՁԱՐԿՄԱՆ, ԳՆԱՀԱՏՄԱՆ) ԿԱՏԱՐՄԱՆ ՀԱՄԱՐ ԱՆՀՐԱԺԵՇՏ ՕՐՅԵԿՏՆԵՐ ՏՐԱՄԱԴՐԵԼՈՒ ԵՎ ՍՏԱՆԱԼՈՒ ԿԱՐԳԸ**

3.1. Պատվիրատուն Կատարողին է ներկայացնում փորձաքննության կատարման համար անհրաժեշտ փաստաթղթեր, նյութեր և այլ ելակետային տվյալներ պարունակող օբյեկտներ (այսուհետ՝ օբյեկտներ), ինչպես նաև փորձագետին առաջադրված տեխնիկական առաջադրանքը (հարցերը):

3.2. Եթե օբյեկտը (օբյեկտները) Կատարողի մոտ տեղափոխելը դժվարին է կամ անհնարին, Պատվիրատուն ներկայացնում է միայն օբյեկտների ցանկը: Այդ դեպքում Պատվիրատուն օբյեկտը (օբյեկտները) ներկայացնում է դրա (դրանց) գտնվելու վայրում՝ փորձաքննությունը (հետազոտությունը, փորձարկումը, գնահատումը) կատարող փորձագետի (փորձագետների) պահանջով:

3.3. Պայմանագրի թիվ 2 հավելվածով հաստատված հանձնման-ընդունման արձանագրությունը երկկողմանի ստորագրելուց հետո Կատարողը Պայմանագրի կատարման համար իրեն տրամադրված օբյեկտները եզրակացության հետ միասին հետ է վերադարձնում (հանձնում) Պատվիրատուին (բացառությամբ Պատվիրատուի կողմից հետազոտման համար ներկայացված նմուշները հետ չպահանջելու դեպքերի):

3.4. Եթե փորձաքննության մեթոդիկայի համաձայն հնարավոր է հետազոտվող օբյեկտի (օբյեկտների) բուն հատկանիշի (հատկանիշների) վնասում կամ ոչնչացում և (կամ) դրա նշանակության կորուստ, ապա փորձաքննությունը (հետազոտությունը, փորձարկումը, գնահատումը) կատարվում է տվյալ հանգամանքը Պատվիրատուի հետ համաձայնեցնելուց հետո՝ վերջինիս գրավոր թույլտվությամբ: Օբյեկտի (օբյեկտների) վնասման, ոչնչացման կամ դրա նշանակության կորուստի չափը նշվում է եզրակացության մեջ, որը չի կարող գերազանցել փորձաքննության (հետազոտության, փորձարկման, գնահատման) մեթոդիկայով սահմանված չափը:

### **4. ՊԱՏՎԻՐԱՏՈՒԻ ԱՌԱՋԱԴՐԱՆՔԻ ԵՎ ԵԶՐԱԿԱՅՈՒԹՅԱՆ ԸՆԴՈՒՆՄԱՆ ԿԱՐԳԸ**

4.1. Պատվիրատուի տեխնիկական առաջադրանքը (առաջադրված հարցը) համարվում է Կատարողին տրամադրված՝ անհրաժեշտ օբյեկտները դիմումով ներկայացվող ցանկով Կատարողին

տրամադրելու, իսկ օբյեկտները տեղափոխելու դժվարության կամ հնարավոր չլինելու դեպքում՝ դրանք համապատասխան վայրում փորձագետին (փորձագետներին) տրամադրելու պահից:

4.2. Կատարողը եզրակացությունը հանձնում է Պատվիրատուին պայմանագրի Կողմերի կողմից ստորագրված հանձնման-ընդունման արձանագրության, ինչպես նաև հաշիվ-ապրանքագրի հիման վրա:

4.3. Ծառայության մատուցման ավարտի օր է համարվում փորձաքննության ավարտված լինելու և դրա վերաբերյալ Պատվիրատուին այդ մասին իրազեկելու օրը:

4.4. Պատվիրատուն կամ նրա ներկայացուցիչը ստանում է եզրակացությունը Կատարողից՝ համապատասխան գրանցամատյանում ստորագրությամբ հաստատելով դրանք ստանալու հանգամանքը:

4.5. Ծառայությունը համարվում է պատշաճ մատուցված, եթե Պատվիրատուն ամբողջ ծավալով ընդունում է Ծառայությունը և ստորագրում Ծառայության հանձնման-ընդունման արձանագրությունը:

## 5. ԾԱՌԱՅՈՒԹՅԱՆ ԳԻՆԸ ԵՎ ՎՃԱՐՄԱՆ ԿԱՐԳԸ

5.1. Ծառայության գինը կազմում է 144000 (մեկ հարյուր քառասունչորս հազար) ՀՀ դրամ, ներառյալ ԱԱՀ-ն՝ 24000 (քսանչորս հազար) ՀՀ դրամ: Պատվիրատուն Ծառայության գինը վճարում է անկանխիկ, Կատարողի՝ Պայմանագրում նշված գանձապետական դրամային հաշվին փոխանցում կատարելու միջոցով:

5.2. Ծառայության գինը որոշվում է այն սկսելուց առաջ Կատարողի կողմից ներկայացված օբյեկտի տեսականու և ծավալների որոշման և հաշվարկի հիման վրա՝ Կատարողի մոտ գործող սակագների (որոնց մասին Պատվիրատուն տեղեկացվում է նախապես) համաձայն՝ ըստ Պայմանագրի թիվ 1 հավելվածով նախատեսված ծառայության գնի:

5.3. Կողմերի համաձայնությամբ, Պայմանագրի ստորագրման օրը, Պատվիրատուն կարող է վճարել կանխավճար՝ Ծառայության գնի ոչ պակաս, քան 50 (հիսուն) տոկոսի չափով: Պատվիրատուն Ծառայության գնի չվճարված մասը պարտավորվում է վճարել ոչ ուշ, քան Կողմերի կողմից սույն պայմանագրի անբաժանելի մաս հանդիսացող թիվ 2 հավելվածի համաձայն կազմված հանձնման-ընդունման արձանագրությունը ստորագրելու օրը:

## 6. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ

6.1. Պայմանագիրն ուժի մեջ է մտնում դրա երկկողմանի ստորագրման պահից և գործում է մինչև «29» ապրիլի 2025թ-ը:

6.2. Եթե Կատարողը Պատվիրատուին ներկայացնում է Պայմանագրի 2.2.3. կետում նշված միջնորդությունը, ապա Պայմանագրի գործողությունը, միջնորդությունը Պատվիրատուին հանձնելու օրվանից սկսած, համարվում է կասեցված: Կասեցման ժամկետն ավարտվում է միջնորդության մեջ նշված պահանջը (պահանջները) Պատվիրատուի կողմից ամբողջությամբ կատարելու օրը:

## 7. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ («ՖՈՐՍ-ՄԱԺՈՐ»)

7.1. Պայմանագրով նախատեսված պարտավորությունները չկատարելու կամ ոչ պատշաճ կատարելու համար Կողմերն ազատվում են պատասխանատվությունից, եթե դա եղել է Պայմանագիրը կնքելուց հետո ծագած անհաղթահարելի ուժի ազդեցության հետևանքով, որը Կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, ռազմադատական հարցերի առկայությունը, աշխատանքի դադարեցումը,

պետական մարմինների ակտերը, նյութերի, այլ միջոցների ձեռքբերման անհնարինությունը և այլն, որոնք անհնարին են դարձնում Կողմերի՝ սույն պայմանագրով նախատեսված պարտավորությունների կատարումը:

7.2. Այն Կողմը, որի համար ստեղծվել են անհաղթահարելի հանգամանքները, այդ մասին պետք է անհապաղ տեղեկացնի մյուս Կողմին:

7.3. Եթե արտակարգ ուժի ազդեցությունը շարունակվում է 1 (մեկ) ամսից ավելի, ապա Կողմերից յուրաքանչյուրն իրավունք ունի լուծել սույն պայմանագիրը՝ այդ մասին նախապես տեղեկացնելով մյուս Կողմին:

## 8. ԵԶՐԱՓՈՒԿ ԴՐՈՒՅԹՆԵՐ

8.1. Պայմանագրում փոփոխություններ և լրացումներ կարող են կատարվել Կողմերի փոխադարձ համաձայնությամբ՝ համաձայնագիր կնքելու միջոցով: Պայմանագրի հավելվածները, փոփոխությունները և լրացումները հանդիսանում են Պայմանագրի անբաժանելի մասը:

8.2. Կողմերը Պայմանագրով նախատեսված պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով: Պայմանագրով չկարգավորված հարցերը կարգավորվում են ՀՀ օրենսդրությամբ նախատեսված կարգով:

8.3. Կողմերը պարտավորվում են Պայմանագրի պայմաններից բխող, ինչպես նաև Կողմերի պարտավորությունների կատարման կապակցությամբ ծագած վիճելի հարցերը լուծել բանակցությունների միջոցով, իսկ համաձայնություն ձեռք չբերվելու դեպքում՝ դատական կարգով:

8.4. Պայմանագիրը կնքվում է հայերեն լեզվով, 2 (երկու) օրինակից, որոնք ունեն հավասարազոր իրավաբանական ուժ: Յուրաքանչյուր Կողմին տրվում է մեկ օրինակ:

## 9. ԿՈՂՄԵՐԻ ՀԱՍՑԵՆԵՐԸ, ՄԻՄՅԱՆՑ ՀԵՏ ՀԱՂՈՐԴԱԿՑՎԵԼՈՒ ՀԱՄԱՐ ԱՆՀՐԱԺԵՇՏ ՏՎՅԱԼՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

### ՊԱՏՎԻՐԱՏՈՒ

ՀՀ ներքին գործերի նախարարություն

ք. Երևան, Նալբանդյան 130


հեռ.՝ (374-11) 54-69-14

ՀՀ ՖՆ գործառնական վարչություն

ՀՀ՝ 900011049252

ՀՎՀՀ՝ 01840082

Գլխավոր քարտուղար Ա.Ֆիդանյան



### ԿԱՏԱՐՈՂ

ՀՀ ԳԱԱ «Փորձաքննությունների ազգային

բյուրո» ՊՈԱԿ

ք. Երևան, Ծովակալ Իսակովի պող. 24

հեռ.՝ (374-10) 77-77-10

ՀՀ ՖՆ գործառնական վարչություն,

Երևանի թիվ 1 ՏԳԲ

ՀՀ՝ 900018005588

ՀՎՀՀ՝ 01836525

Տնօրենի ժ/պ-ի պարտականությունները  
ժամանակավոր կատարող Խ.Աբաջյան

